



## *Clube Escola Piragüismo Poio-Conservas Pescamar*

### **CAPITULO I**

#### **NORMAS XERAIS:**

ARTIGO 1º.- O CLUBE ESCOLA DE PIRAGÜISMO POIO e unha asociación privada con personalidade xurídica propia e capacidade de obrar, integrada por personas físicas, que ten como obxeto exclusivo ou principal a práctica da actividade física e deportiva polos asociados, sen ánimo de lucro.

ARTIGO 2º.- O CLUBE ESCOLA DE PIRAGÜISMO, practicará como principal modalidade deportiva a de Piragüismo, e xa solicitou no seu día a ratificación dos Estatutos Fundacionais e de Inscripción no Rexistro de Asociacións Deportivas e Deportistas de Galicia de conformidade coa Ley Xeral do Deporte de Galicia.

O CLUBE ESCOLA DE PIRAGÜISMO, practicará así mesmo as modalidades deportivas de Kayak Polo, Kayak de mar, rafting, aguas bravas, aguas tranquilas e Eslalon, e par tal fin funcionarán as seccións deportivas correspondentes, sen prexuízo de que a Asamblea Xeral poida acordar a creación de outras.

ARTIGO 3º.- O domicilio social do O CLUBE ESCOLA DE PIRAGÜISMO, fíxase na nave do peirao "A canteira" de Combarro, e a efectos de correspondencia no Apartado de Correos nº 5213 de Poio, C.P: 36.994, Provincia de Pontevedra.

O/A Presidente/a, cando as circunstancias o aconsellen, poderá acorda-lo cambio de domicilio social e o administrativo dentro da mesma localidade. Para o traslado do domicilio a outras localidades, que deberá ser sempre dentro do territorio da Comunidade Autónoma de Galicia, será necesario o acordo maioritario da Asamblea Xeral Extraordinario.

En ámbolos casos, o traslado de domicilio social non implicará modificación estatutaria, e terá de ser notificado ós socios, e ó Rexistro de Asociacións Deportivas e Deportistas de Galicia.

O O CLUBE ESCOLA DE PIRAGÜISMO tamén conta cos seguintes locais e instalacións propias: **NINGUNA.**



## **CAPITULO II**

### **CLASES DE SOCIOS , ADMISIÓN, DEREITOS E OBRIGACIONS.**

ARTIGO 4º.- O número de Socios, será limitado. A Asemblea Xeral poderá suspender, no obstante, a admisión de novos socios cando así o exixan razóns de aforo ou capacidade física das instalacións. Os socios poderán ser das seguintes clases: de número, Honorarios, Aspirantes e Familiares.

ARTIGO 5º.- Son socios de número tódalas persoas maiores de idade, que satisfagan a cota social establecida pola Asemblea Xeral.

Os menores de 18 anos, clasificaranse como Socios Aspirantes, tendo dereito ó uso das instalacións sociais mediante a cota que se fixe e pararán automaticamente a ser socios de número ó cumpriren a maioría de idade.

Serán Socios Honorarios aquelas persoas ás que a Asemblea Xeral confirá está distinción e terán un posto de preferencia nos actos oficiais da sociedade.

Son socios familiares todas aquelas persoas que dependan economicamente dun socio de número e convivan con el no mesmo domicilio.

ARTIGO 6º.-

6.1. Os socios de número terán os seguintes dereitos:

- Contribuir ó cumprimento dos fins específicos da asociación.
- Exixir que a asociación se axuste ó desposto na normativa autónoma deportiva e ó establecido no presente estatuto.
- Separarse libremente da Asociación.
- Coñece-las actividades da asociación e examina-la súa documentación, previa petición razonada o/a Presidente/a.
- Expór libremente as súas opinións no seo da asociación.
- Ser elector e elixible para os órganos de representación e goberno da Asociación, sempre que teña plena capacidade de obrar, e non este dentro das incompatibilidades emanada polo Comité Electoral establecido ó efecto.

6.2. Son Obrigacións dos Socios de número:

- Aboa-las cotas que esixa a Asemblea Xeral.
- Contribuir ó sostenemento e difusión do deporte ou modalidades deportivas.
- Acatar cantas disposicións dicte a Asemblea Xeral, a Xunta Directiva ou Presidente/a, para o bo goberno da sociedade.



6.3. Os socios aspirantes terán dereito a disfrutar dos servicios e instalacións sociais da Asociación.

6.4 Os familiares dos socios de número terán dereito a disfrutar daqueles servicios e instalacións que se determinen, previo pago da cota fixada.

ARTIGO 7º. Para ser admitido como Socio, en calquera das modalidades, será necesario:

- a) Te-la idade sinalada para cada unha delas.
- b) Formalizar a solicitude por escrito dirixida ó/á Presidente/a que deberá ser ratificada pola Xunta Directiva.
- c) Satisface-la cota de ingreso correspondente.

ARTIGO 8º.- A condición de Socio pérlese:

--Por vontade propia.

--Por falta de pago das cotas sociais durante tres meses consecutivos, previo requerimento de pago, e consecuente Resolución do/a Presidente/a.

### **CAPITULO III**

#### **ORGANOS DE REPRESENTACIÓN E GOBERNO:**

ARTIGO 9º.- Son organos de representación e goberno do CLUBE ESCOLA DE PIRAGÜISMO a Asamblea Xeral, ó Presidente/a e a Xunta Directiva.

ARTIGO 10º.- O Presidente/a é o órgano executivo do Clube, posúe a representación legal e preside os órganos de representación e goberno executando os acordos destes.

Será elegido mediante sufraxio libre, directo, igual e secreto por e entre os membros da Asamblea Xeral cada 4 anos.

ARTIGO 11º.- O/A Presidente/a cesará por:

- a) Transcorre-lo prazo polo que foi elegido.
- b) Demisión.
- c) Falecemento dunha moción de censura pola Asamblea Xeral.

ARTIGO 12º.- Como órgano complementario dos de goberno e representación haberá unha xunta directiva para asistir ó/á Presidente/a.



a) A Xunta Directiva, estará formada por un número de membros non inferior a cinco nin superior a quince, e da que formará parte un/ha Secretario e un/ha Tesoureiro/a.

b) A Xunta Directiva é o órgano colegiado de xestión do Clube, sendo os seus membros designados e revocados libremente polo/a Presidente/a, que a presidirá.

c) Corresponderán á Xunta Directiva as seguintes atribucións: A Xunta Directiva como órgano colaborador do/a Presidente/a, non terá competencias propias e exercerá por delegación, as que lle encomende o/a Presidente/a, que poderá avocar o revocar en calquera momento.

#### ARTIGO 13º.-

a) A Xunta Directiva quedará validamente constituída en primeira convocatoria cando concurren a ela a maioría dos seus membros. En segunda convocatoria será suficiente a concurrencia, polo menos, de tres dos seus membros, e, en todo caso, do/a Presidente/a.

b) A Xunta Directiva convocarase polo/a Presidente/a con dous días de antelación, como mínimo, á data de celebración.

ARTIGO 14º.- A Xunta Directiva quedará tamén validamente constituída, cando estean presentes tódolos seus membros, aínda que non houbera mediado convocatoria previa.

#### ARTIGO 15º.-

A) O/A Tesoureiro/a da Xunta Directiva será o/a depositario/a da Asociación, a sinará os recibos, autorizará os pagos e levará os libros de Contabilidade.

B) Será obriga do/a Tesoureiro/a formalizar o primeiro mes de cada ano, un balance de situación e as conts de ingresos e gastos, que se porán en coñecemento de tódolos asociados.

ARTIGO 16º.- O/A Secretario/a da Xunta Directiva, coidará do arquivo da documentación, redactará cantos documentos afecten á marcha administrativa da asociación e levará o Libro Rexistro de Socios e o Libro de Actas.

#### ARTIGO 17º.-

A) A Asemblea Xeral é o órgano supremo do goberno da asociación integrada por tódolos seus socios de número.

B) As Asembleas Xerais, tanto Ordinarias como Extraordinarias, quedarán validamente constituídas en primeira convocatoria cando concurren a ela, presentes entre os representados, a maioría dos seus asociados. En



IGsegunda e última convocatoria, media hora máis tarde, quedará constituída calquera que sexa o número de membros presentes. Entre a data de convocatoria e o día sinalado para a súa celebración, terán que mediar, como mínimo, dez días naturais e non poderá transcorrer máis de 20.

ARTIGO 18º.- A Asamblea Xeral convocarase polo/a Presidente/a a iniciativa propia ou do vintecinco por cento, ó menos, dos Socios de número.

18.1.-A Asamblea Xeral reunirase con carácter ordinario, previa convocatoria do/a Presidente/a, ó menos unha vez o ano para tratar as seguintes cuestións:

- a) Memoria, liquidación do presuposto, balance do exercicio, rendición de contas e aprobación se procede.
- b)Presuposto para o seguinte exercicio.
- c)Proxecto e propostas do/a Presidente/a ou da Xunta Directiva.
- d) Proposicións que formulen os socios e que terán de ir asinadas ó menos, polo cinco por cento dos mesmos.
- e)Rogos e Preguntas.

18.2.-Terá de ser celebrar Asamblea Xeral Extraordinaria para a modificación de Estatutos, elección do/a Presidente/a, toma de cartos a préstamo, emisión de títulos representativos de débeda ou de parte alícuota patrimonial, enaxenación de bens inmoables e fijación de Cotas dos Socios, e calquera outro acordo previsto nestes Estatutos ou que se estime oportuno polo/a Presidente/a ou proceda legalmente.

ARTIGO 19º.- Os acordos da Asamblea Xeral e da Xunta Directiva, serán vinculantes e de obrigado cumprimento e terán forza executiva a partir da data da súa adopción, sen prexuízo, por razón da materia, da posibilidade da súa impugnación perante os órganos competentes e da Federación Galega Deportiva da modalidade ou perante o Comité Galego de Xustiza deportiva.

## **CAPITULO IV**

### **REXIME DOCUMENTAL:**

ARTIGO 20º.- O réxime documental da asociación, constará dos seguintes libros:

- Rexistro de Socios.
- De Actas



--Contables.

ARTIGO 21º.- No libro de Rexistro de Socios, terán de consta-los nomes e apelidos dos Socios de número, o seu Documento nacional de identidade e, no caso, os cargos de representación, goberno e administración que exerzan na Asociación. Tamén especificaranse as datas de altas e baixas, e as de toma de posesión e cese dos cargos aludidos.

ARTIGO 22º.- Nos libros de Actas, consignaranse as reunións que celebre a Asamblea Xeral e a Xunta Directiva, con expresión da data, asistente, asuntos tratados e acordos adoptados. As Actas terán de estar asinadas, en todo caso, polo/a Presidente/a e o Secretario/a.

ARTIGO 23º.- Nos libros de Contabilidade figurarán tanto o Patrimonio como os Dereitos e obrigaions e ingresos e gastos da Asociación, debéndose precisa-la procedencia daqueles e a inversión ou destinos destes.

#### REXIME DISCIPLINARIO.

ARTIGO 24º.- Os órganos e Socios do Clube estarán sometidos ó regulamento disciplinario do Clube e ó disposto no Título VII da Ley 11/1997 Xeral do deporte de Galicia e normativa do seu desenvolvemento.

ARTIGO 25º.- Así mesmo, o/a Presidente/a e membros da Xunta Directiva responderán fronte os Socios, o Club ou Terceiros, dos prexuízos que ocasionaren por culpa ou negligencia grave, de conformidade coa regulamentación propia do Clube e o Ordeamento Xurídico vixente..

### **CAPÍTULO V**

#### **REXIME ECONÓMICO-FINANCIERO E PATRIMONIAL**

ARTIGO 26º.- O CLUBE ESCOLA DE PIRAGUISMO DE POIO, someterase ó rexime do presuposto e patrimonio propio coas seguintes limitacións:

- a) Non poderán destina-los seus bens a fins industriais, comerciais, profesionais ou de servizo, nin exercer actividades de igual carácter co fin de repartir beneficios entre os seus socio. Os seus ingresos aplicaranse integramente a conservación do seu obxeto social.



- b) Poderán fomentar manifestacions de carácter físico deportivo dirixidos ao público en xeral, aplicando os beneficios obtidos ó desenvolvemento das actividades físicas e deportivas dos seus asociados.
- c) O CLUBE ESCOLA DE PIRAGUISMO DE POIO poderá gravar o enaxenar bens inmoables, tomar cartos a préstamo e emitir títulos transmisibles representativos de débeda ou parte alícuota patrimonial, sempre que cumpra os seguintes requisitos:
- Que se autoricen tales operacións por maioría de dous tercios dos Socios Presentes ou representados na Asamblea Xeral Extraordinaria.
  - Que ditos actos non compromentan de modo irreversible o patrimonio da Entidade ou a actividade físico-deportiva que constitúa o seu obxecto social. Para a adecuada xustificación deste extremo se poderá esixir sempre que o soliciten como mínimo o cinco por cento dos Socios de Número, o oportuno dictame económico.actuarial.
  - Cando se trate de gravar ou enaxenar bens inmoables que foran financiados en todo ou parte, con fondos públicos da Comunidade Autónoma será preceptiva a autorización previa da Secretaria Xeral para o deporte da Xunta de Galicia.

ARTIGO 27º.- O CLUBE ESCOLA DE PIRAGUISMO DE POIO poderá recibir libremente doazóns quee nos excedan da cantidade de 500.000 ptas, No suposto de doazóns que superen esta cantidade será necesaria autorización expresa da Secretaría Xeral para o Deporte da Xunta de Galicia, previo informe da Federación correspondiente.

ARTIGO 28º.- O CLUBE ESCOLA DE PIRAGUISMO DE POIO poderá emitir títulos de débeda ou de parte alícuota patrimonial, sendo os títulos nominativos.

ARTIGO 29º.- Os títulos inscribíranse nun Libro que levará ó efecto a Asociación, no que se anotarán as sucesivas transferencia. En tódolos títulos constará o valor nominal, a data de emisión e, no seu caso, o interese e prazo de amortización.

ARTIGO 30º.- Os títulos de débeda só poderanse suscribir polos asociados, e a súa posesión non conferirá dereito algún especial ós socios, agás a percepción dos intereses establecidos conforme a lexislación vixente.



ARTIGO 31º.- Os títulos de parte alícuota patrimonial han de ser asemade, suscritos polos asociados. En ningún caso estes títulos darán dereito á percepción de dividendos ou beneficios.

ARTIGO 32º.- Os títulos e débeda e parte alícuota patrimonial serán transferidos unicamente entre os que teñan a condición de socios.

## **CAPÍTULO VI**

### **REFORMA DOS ESTATUTOS E DISOLUCIÓN DA SOCIEDADE:**

ARTIGO 33º.- Os presentes estatutos só se poderán modificar, reformar ou derogar, por acordo da Asamblea Xeral Extraordinaria convocada a tal efecto, mediante votación favorable dos dous tercios dos Socios de número asistentes.

A reforma destes Estatutos seguirá, con respecto ó Rexistro de Asociacións Deportivas e Deportistas de Galicia, os mesmos trámites administrativos que para a súa inscrición.

ARTIGO 34º.- O CLUBE ESCOLA DE PIRAGUISMO DE POIO extinguirase ou disolverase por acordo de:

- a) Dos dous tercios dos Socios en Asamblea Xeral Extraordinaria, convocada ó efecto.
- b) Por sentenza Xudicial.
- c) Por outras causas legalmente determinadas.

En todo caso haberá de ser notificado ó Rexistro de Asociacións Deportivas e Deportistas de Galicia.

ARTIGO 35º.- Disolto O CLUBE ESCOLA DE PIRAGUISMO DE POIO o remanente do seu patrimonio social, se houbera, aplicaranse a fin análogos de carácter deportivo, ben por acordo previo da Asamblea Xeral ou subsidiariamente pola Secretaría Xeral para o deporte.

---

En Poio(Pontevedra), a 15 de xaneiro de 2000, se modifican e actualizan os estatutos orixinais do Clube confeccionados o día 28 de agosto de 1995, e legalizados con número de Rexistro da Fedaración Galega de Piragüismo 12 de 29-08-1995, número de Rexistro de Clubs federados 4.836, e número de Rexistro Municipal de Asociacións 49/1996, con N.I.F G-36250991, por acordo tomado por





unanimidad na Asamblea Extraordinaria celebrada no día da data; novos estatutos que firman, nas oito follas qu o componen, de conformidade a actual Xunta Directiva: